

Sanarfinermut Avatangiisinullu Ataatsimiititap angalaneranit nalunaarusiaq, Tasiilaq 2019



Piffissaq angalaffiusoq: Ulloq 26 – 29. juuni 2019.

Peqataasut allattorsimaffiat:

- Justus Hansen, (D) Siulittaasoq
- Mala Høy Kúko (S)
- Harald Bianco, (IA)
- Sanarfinermut Avatangiisinullu Ingerlatsivik – Pisortaq, Hans Henrik Winther Johannsen
- Sanarfinermut Avatangiisinullu Ingerlatsivimmi sanaartornermut chefi, Rudi Birkedal
- Sanarfinermut Avatangiisinullu Ingerlatsivimmi pilersaarusionermut chefi, Bilo H. Stigsen
- Sanarfinermut Avatangiisinullu Ingerlatsivimmi Fagchefiugallartoq, Ivan Falck Petersen
- Sille Wedege Nielsen, Ataatsimiititap allattaa
- Rosa Ringsted Hansen, oqalutsi

Angalanerup siunertaa: Ataatsimiititap inissiternerata kingorna suliat ingerlanneqartut inaarsarneqartullu Ataatsimiititap takusarneqarnissaat, kiisalu suleqatigisanik attuumassuteqartunik ataatsimeeqateqartarnissaq ataatsimiititap suleriaqqinnissaa pillugu.

Naalisarlugu: Ataatsimiititamit Tasiilami, Sermiligaami, Kuummiuni aamma Ikkatsimi sakkutuut mittarfeqarfianni suliat inaarsarneqartut ingerlanneqartullu tikeraarneqarput. Innuttaasunik ataatsimiititsinerit aamma susassaqraruup iluani avataanilu suliaqartut ataatsimeeqatigisarnerisigut, Sanarfinermut Avatangiisinullu Ataatsimiititaq paasisaqrarlunilu ilikkagaqarpoq Sanarfinermut Avatangiisinullu Ataatsimiititaq suleriaqqinnissaani atugassaanik.

Programmi:

Pingasunngorneq ulloq 26/6-19:

Ualisoq Tasiilamut tikinneq. Innuttaasunik ataatsimiititsineq Tasiilap katersortarfiani, Elise Kuitse aqutsisoralugu. Immikkut Tasiilami suliniutit ingerlanneqartut qitiutillugit sammineqaratut: eqqakkat suliarineqartarnerat, aqqusinernik suliaqarneq, inuusuttunut kulturikkut illu. Ammasumik oqallinneq aamma Tasiilap eqqaani Tasiilamilu suniliutigineqartussat pillugit paasisutissiineq: Ikkatsimi salinissaq, utoqqaat illuat nutaaq, puttasut, immikkoortumut pilersaarusiassaq aammalu Tasiilami umiarsualiviup assanneqarnissaa.

Sisamangorneq ulloq 27/6-19:

Tasiilami angalaarneq aamma Sanaartugassat Avatangiisimilu suliniutit killiffii. Meeqquerivimmut Pingajeqqad-nut pulaarneq, arsaattarfik, eqqaavik, ikaartarfitoqaq, amutsivik, PolarOil, ilaqutariinnik sullissivik, multibanen, umiarsualivik avannarleq, qatserisartoqarfik, inissialiat nutaat aammalu qimmit inaat. Immikkut qitiutinneqartut: sanaartukkani amigaataasut iluarsisassallu, suliniutigineqareersunik takusaaneq, arsaattarfik aamma multibane ilanngullugit.

Ulloq Tasiilami Najukkami ataatsimiititamik ataatsimeeqateqarnermik naggaserneqarpoq, tassnai immikkut qitiutinneqarput: nutaamik majuartarfiliornissaq, umiatsiaaraatileqatigiit, immikkoortumut pilersaarusiassaq kiisalu puttasut.





Tallimanngorneq 28/6-19:

Sermiligaami angalaarneq, suliniutigineqartussanik nalilersuineq aamma Nunaqarfimmi aqutsisunik ataatsimeeqateqarneq. Immikkut qitiutinneqartut: Sermiligaami amutsivik nutaaq, ingiulittarneranut assiaqutit, krani, eqqaavik, eqqakkat suliarineqartarnerat aamma torersaaneq.

Sermiligaami innuttaasunik ataatsimiititsinermi immikkut qitiutinneqartut: illoqarfiup eqqaaviullu torersarlugit aallartinneqarnissaat, aqqusinnioneq, illunik piianeq kiisalu nutaamik amutsivillorneq.



Kuummiuni angalaarneq aamma Sanaartugassanik Avatangiisimullu suliniutit alakkarterneqarnerat, ilaatigut eqqaaviup torersarneqarnera aamma eqqakkanik suliaqaqqittarneq, illu sullissivik aamma arsaattarfissaq. Tulliullugu Nunaqarfimmi ataatsimiititaq ataatsimeeqatigineqarpoq, tassani immikkut sammineqarput: illunik piianissaq, helikopterimut mittarfik aamma talittarfiup pitsannngorsarneqarnissaa.

Kuummiut Alivarpianni innuttaasunik ataatsimiititsineq, tassani immikkut qitiutillugit sammineqarput: illoqarfimmi eqqakkanik katersinissaq aamma eqqaavik, nutaamik arsaattarfioliornissaq, illunik piianissaq, innuttaasut illuat uffarfittalik kiisalu puttasut.

Ikkatsimi sakkutuut mittarfeqarfigisimasaanni angalaarneq, tassani Sanarfinermut Avatangiisinullu Ataatsimiititaq periarfissinneqarpoq immikkoortup qanoq aserfallassimatigineranik takusaqarnissaminut kiisalu saliisoqassappat salitassap qanoq annertutiginera, tassanilu nunamik misissugassamik sumit tiguisoqarsinnaanera paasinianeqarpoq.



Arfininngorneq 29/6-19:

Nuummut aallarnek

Paasisat:

Ikkatsip salinneqarnissaanut atatillugu innuttaasut ilai isumaqarput Ikkatsip najukkami takornariartitsisartunit takornariartitsinermi atorluarneqartarnerata isiginiarneqarnissaa pigaartuusoq, saliinissarlu taanna takornariartitsisarnermi sunniuteqartussaasoq.

Pinngortitaq Tasiilaq eqqaanniittoq allanngoriartorpoq, taamaattumillu umiarsualivimmut pulammagiaa ajornartorsiutitsisaleriartuinnarpoq ikkaligaluttuinnarmat umiarsualiviullu assanneqarnissaa pisariaqartinneqarluni. Aammattaaq puttasunik nutaanik ikkussisoqarnissaa pingaaruteqarpoq, innuttaasut angallataat inissaqaqqullugit aamma tikikkuminartooqqullugit.

Tasiilaq ataqatigiissikkusullugu aamma angalaarfigiuminaqqullugu, innuttaasut ilaannut pisariaqarpoq nutaanik marlunnik majuartarfeqalernissaa.

Sanarfinermut Avatangiisinullu Tasiilami siusinnerusukkut suliniutigineqareersut takuniarneqarnerannut atatillugu ersarippoq, innuttaasut akisussaaqataanissaat pisariaqartoq, suliat ilaatigut multibanip aamma arsaattarfiup paarilluarneqarnissaa eqqarsaatigalugu, taakkua sivilisunerusumik piunissaat qulakkeerumallugu .

Sermiligaami aamma Kuummiuni illunik isatigassaqaqarpoq. Kuummiuni eqqaaviup torersarneqarnerani suliarujussuaq iluatsissimapparsippoq. Nunaqarfik saligaatsutut isikkoqarpoq, tamannalu Nunaqarfimmi aqutsisunit salliullugu attatiinnarneqassaaq. Kissaatigineqarpoq Sermiligaami torersaassineq aamma taamatut sunniuteqassasoq. Kuummiuni innuttaasunik sullissivik naammassilivippoq ammarneqarnissaminullu piareeqqalluni.

Sermiligaami nutaamik amutsiviliortoqarnissaa pisariaqarpoq, massakut talittarfeqarnermut tunngasut naammaginangimmata innuttaasullu angallataat aserorterneqartarmata

ingiulerujussuartoqartillugu. Aammattaaq ingiulinnut unitsitsissutit kissaatigineqarput, piffissap
ilaani ingiulerujussuarterneranut unitsitsissutissat.

Amutsivittaarnissamik kissaateqarneq peqqutaalluni, Sanarfinermut Avatangiisinullu Ataatsimiititaq
2019-imi juulip sisamaani immikkut ittumik ataatsimiineranik kinguneqarpoq, tassani
ataatsimiititamit Sermiligigaami amutsivittaarnissaq siulliunneqarluni.